

紫峴山人全集

紫峴山人詩集卷二十六

湘潭張九鉞慶西著

姪孫家拭重刊

歸湘集上

乾隆壬子至嘉慶庚申

乾隆辛亥先生歸自武昌年七十一矣畢秋帆尚書薦主
禮陽書院語當事毀李自成墓不果辭歸甲寅李綱菴邑
令聘主昭潭凡十年名儒輩出色書院之有題名小額自
先生始戊午撰三川考略凡四卷庚申八十初度湯二樓
邑令率紳耆為先生壽四方能文之士爭以詩賀辛酉歸
詩稿付世津藏之以癸亥九月十九日卒年八十有三著
歸湘集

歸里二首

敢有經師答

國恩漫同游士寄中原一鄉英俊勞瞻望胡王印潭朱四海知交

荷注存畢秋帆姜杜把釣欲尋潭畔石看花好向寺邊村由來散

木能多壽未必莊生是寓言

三關揖別徑言歸雪後輕帆轉浦飛隔歲音書和夢入一生身事
與心違迎門兒女悲還喜插架圖編是也非紅粉青山都淚盡白
頭無語對斜暉

天門十六峯歌寄懷慈利柳明府

我聞天門之山十六峯三巖三空朶朶青芙蓉倒浸灑水二千丈翠湍
蕩濤連赤松昔飽東陽鮑使欲探仙宅巨漲恐於人返舟望歎息
羨君移軾峯之下煙嵐堆滿齊衙席菖蒲花發訟臺稀雨足新苗
遍阡陌豪吟橫寫赫蹏箋簿領堆中雜典籍如攀天帚出空濛一
掃三江五湖白憶昔與尊公誼厚年相若鞭絲帽影逐長安岐鼓
摩挲鬪新作青田之韓永嘉周一日不見懷緒惡淨業湖邊雪模
糊狂歌痛飲膽氣籠天台祝融夢恍恍述奇標異爭笑呼春明散
後心忡忡相尋譚藝濱江東浮邱白鹿不稱意別離南北何匆匆

人琴之感四十載晚交見子同神采丹山鳳穴渥洼駒舊驪循續
如模楷山川友朋眞性情兩世追隨增慷慨定知碧岫屏障間老
翁倚杖遙相待且作天門歌寄君天門署懷新憶舊滿心胸盡在
蘭芳蕙馨處

題澧州方悟桃使君以我觀我圖

座中之公兮

他本作公子

揮箋灑墨手批耳聽合部稱神明圖中之公

兮焚香瀹茗輕衫軟履據石何蕭清政暇展函一相嚮動靜當前
各殊况神采能令阿堵傳靈臺難借丹青狀澄懷觀我只觀心慧
鏡智珠証超曠月澹澹兮流觴風泠泠兮拂床伴公以瀟湘千畝
之碧玉袁公以澧蘭九畹之幽芳無言相對一賓客蘇門或是晁
與黃人生勞蹤得妙悟腰笏時芻隨所遇雪泥鴻爪有何常守道
淵然守官裕江山浩氣入鬚眉衡岳洞庭作詩助漢家循吏卽經

師讀書面目仍如故。他年千騎長轂驅。豸冠絳節腰虎符。定知秀
釋疏花裏。悠然吾亦見真吾。安得歐陽六一家。本蘇本紛紛形韻
多傳摩。

贈澧州胡沛霖志感兼別

書生少作涇陽客。老去重來主經席。當年倚輩盡凋零。惟有關山
依舊碧。晚交最喜得胡君。意氣文章迥出羣。嫺嫺秘卷窮搜討。兼
熟靈樞金匱文。講院往來聯履跡。風雨論文常永夕。仍似篝燈山
寺時。江湖浩蕩歸曾臆。平生落托兼豪放。年屆楚邱誇始壯。少陵
藥餌身未隨。長公參把栽無壞。因循寒蠲腹間暴。蹴翻同膜前
狀兒曹。驚怖童僕愁不知。三日青綾帳多君。一胗洞癥結回天立。
起刀圭屑也知。薑桂性原辛。不比火靈丹助烈。周旋床褥幾晨昏。
此豈尋常肝膽熱。卽今推梧躍然試。食能盡豆肉大敵。放杖郊行

隣叟疑香花與望門生。回思危境如夢中。感君握手笑兼涕。菊
花開後整歸航。又別芳蘭九畹鄉。神手遍爲州郡述。高情不令子
孫忘。更於載酒登山日。遙奉高梁一瓣香。乾隆丙辰余年十六隨
往來石門
豐城間
家大人館於滄津山寺

梁季修外姪重葺香雲書屋亭堂軒室不樸不華悉如舊
制移家之晨設樽觴聚親朋讌酬竟日余既喜其能承
先志念懿戚儔輩追尋惟余獨存追維數十年來天運
盛衰循環之數人事聚散興廢之由鬱勃於懷因賦五
言格詩六首紀事季修將補種新桂以實香雲之名末
章嘉之且以爲勗也乾隆壬子冬

聞之吾先人湖壩西北隅。燹餘始開闢。榛篠猶荒蕪。君家會祖翁
洲頭購一區。縱橫三十畝。墾藝同苗畚。署云近園名。漸次成規模。

手種三桂樹佳種出天都移堂以就樹茂密蔭綺疏鐵幹交蚴蟉
龍蛇影盈除子姓兆蕃衍兄弟比友于時復扶鳩來朋箋召吾徒
君家爲贅婿維時戊午秋書屋桂初放九英呈瑞稠龍涎一萬斛
蒸作紅雲浮我歌蟾窟詩時賦蟾窟窟清風起颺颺外粵顧之樂親爲
酌一甌以後承先閣朗吟軒窗幽尊甫雨伯仲風雨同冥按花時
坐樹下分韻長短謳醉喝月倒行金波滴杯流盛事五十年回首
如泡漚

尊甫移家居書屋拓棟宇東營靜安堂後飾桃花塢我久滯燕吳
聞之每延佇攜家雪江返姊弟歡相聚圍爐煮芋栗開筵奏霓羽
海上倏飄零天涯間寒暑聞復入深山匣錦闌花墅倦游如夢寐
舊約空雞黍已切荊州思難問舉橋庶筠車每一過惆悵不欲語
人情勞思安地運劍受復燕必舊窠鶯遷在喬木君謀稍息寫

焉不念先躅軒庭實荒蕪聖壁去獨漉簷高蔽風雨堂深薦魚莖
茂漪珊瑚架德曜蘆簾屋請衣仙女史 硤硤頭玉姿荷衣就東塾載誓
如茂先病架盡鄴軸知非孰亭榭亦可埋花竹

扶杖磨層堦移席坐曲欄湘嶽送春來好鳥鳴閒關朋筵繫珠璣
舊額洗琅玕不殊近園初風景樹衰顏君家四百載毓秀接龍山
忠厚爲清門其名首湘干我思太邱長謂外舅喬 瓣香奉勿諼君

性質且淳作事皆可觀場哉遵祖德彌縫兄弟間畱硯珍玉堂舉
案效伯鸞

樹松如種德植槐以昌後高士菊盈籬騷人蕙繁畝茲園祖澤深
芳根百年有君賦小山詩招桂如招友補栽約春深地脉蘊蒸厚
初如拱把微漸見枝柯茂護以曲欄紅灌之清泉瀏行將參蒼天
泉壤慰白首黃雲張帷幙丹液和餌糗花時掃蘭皋列坐盡瓊玖

城東一老翁爛熳倒樽酒

題趙叔明參軍梅軒垂釣圖

校書出入石渠閣飛毫署判蓮花幕揚旗浮木蔽江濤曲窮緹油
范山郭胡爲貌之邱壑裏黃篋撇頭船自橫青蓑蒟笠亂瓊飄一
竿破雪搖寒水陰雲匝清梅花橫蕭蕭萬籟風無聲遙看凍雁忽
起處空天一縷孤煙生古來達人存大概釣不必得得不賣聊作
江湖浩蕩觀焉能大地絲綸礙知君腰腹一時豪那羨臨淵照沫
勞好儲牒餌任公子更向滄溟掣巨鼈

得吳子豫郵慈利來書卻寄三首

天門十六峯知在幾芙蓉音問忽飛到琴樽不可從我方行一月

君已住三冬

余上秋辭遣君於十一月到慈利慈谷不知也

澧浦幽蘭色騷人對轉濃

騎得羅浮蝶飛飛度嶺雲欲竒神禹篆長揖祝融君哀怨巖仙操

悲歌帝女墳

若有到靈仙曲
夫人歌最工

好憑湘浦瑟彈入曲中聞

不樂栖戎幕靈溪釣鯉魚久高名士價獨重古人書鷓鴣從鷓鴣

龍鬣傍客居我舟明又發相望意何如

將赴
深江

講院風雨懷朱孺東四首即當札寄之

江波一何濶風雨宵紛紛此際挑燈坐無眠祇爲君將行猶鬪酒

幾日復論文扇底紅蘭影殷勤惜露芬

韻行贈余紅蘭
畫筵并別詩

令弟傳消息輕帆過鄂州將迎知老友

王蓬心
太守蹤跡謝諸侯對月

人千里招仙鶴一樓湖山天地別取次入扁舟

晨鵲遙傳喜計君應到家庭聞趨侍樂婦子笑言賒定訪重奎閣

謂王西
莊光祿還浮甫里槎尋余夢遊處只傍越溪花

老病孰憐予經旬髮未梳送箋疑僕至觸篋見君書意氣知適合

風流肯索居湘城西畔路翹望意何如

病後自灃陽歸聞朱三礪東抱疾連月未下樓知余歸寄
詩六絕兼饋佳味適以事往星沙十日歸酬五言古詩
一首聊志渴懷

病起理歸舟。思踐良朋約。聞亦抱煩疴。隱囊吟高閣。相憐更相憶。
何計慰離索。銀鹿走詩來。厚意濃醞酪。惄然如輞。饑咫尺。隔酬酢。
佳釀餽渴羌。糟味兼羊臠。宛如醉春宵。桃花當簷落。知君瀟洒襟。
素不攘六鑿。何須肘後方。輾轉費參酌。維摩偶示疾。禪味謝糟粕。
天女灑花場。靜中身不著。騷人九畹香。空際自騰躍。煙雲大供養。
古者有三樂。我近亦鍵關。蕭疏自行樂。君當珍腰圍。我更惜膝脚。
共此譚藝心。跋扈尙如昨。稍待天暄和。紅梅綻新萼。期君跋青鞵。
聯轡步東郭。

季修丙姪招飲同黃心菴朱礪東劉牛山下印禪

筠車空午出城西草長東風鶯乍啼老癯曾游無感病多良友
爲提攜新栽佳樹如人立更布唐花與檻齊詩筆未知還健否先
拚傳盞醉如泥

印潭姪壻鈔余詩稿以二律書其後依韻奉酬

風雨離羣感書來忽豁胸題詩榮舊帙醒夢落清鐘做帚徒知享
枯禪未可宗無成今老矣真悔學屠龍

寥落千秋業蒼茫獨立人晚交方得子契合豈無神抗手希前哲
鞭心出等倫正聲忻有待著述慎茲身

甲寅初度日用壁間陳恪勤公書介壽詩韻紀事

大袖褒衣足徜徉太平歲月苟安康早梅蓓蕾偏乘暖老桂婆娑
競吐香異國卅年辭餽贈故園今日樂風光雙行兒女團團拜笑
袍曾孫引巨觴

壽萱篇爲石太恭人作

序見文集

壽萱花種出斑竹塘

塘在潭邑十七都徐母族居生長之地

伴以女貞之樹蔭以難

老之桑壽萱花樹自北堂北不聞啼鳥將子鳴啞啞但聞花開讀

習聲琅琅雜機織雖無並蒂枝各佩宜男色今年七月二十五日

天氣晴花開乃在弄珠之樓東渚之城臨者板輿漑者廉泉有鶴

者髮有魚者軒瑤峯文石錦鸞翠鳥遊其閒阿戎花縣吏政大美

金魚繡鴻長紳縱纜率其婦孺其子捧盤匱瞻魴鱈花益色大喜

其香四照遍滿鸚鵡湖水我聞湖濱婦與媪童與嬰躋公堂獻觥

酒各各致詞爲介壽今年花中現金母使我有盤有桑有稌有黍

今年花中坐昌容手和二百餘歲之紫葺使我飢得粟寒得衣病

無顛連老無癯今年花中降慈佛使我獄不聞桁楊堂不聞扑扶

冬有穉夏有湯澤願化酌如盤實如棗百年三萬六千日日日看

花顏色好人言萱花甘我知萱花苦花前有饗風花外有伏雨凌
花霜十指封花冰幾縷采茶作餠茹牽蘿將屋補皋蘇勞難療蒼
蔬堅獨拄三十六年花有神乃從蓬艾挺秀自成圃齊綺蘭競芳
杜如彼華萍與翼脯阿戎爲我言對花心屏營不得揚勁節端木
進

彤廷不得表瓊華高立無雙亭如我母兮劬勞曷以報所生我謂
阿戎花各有德花各有福發其幽光曰惟天俾穀上有五雲六龍
交銜之

龍章下有天孫七襄新織之濯服曰旌其行曰表其型既碩且蕃
旣茂以貞不凋不老丹蕊金英花花當春暉葉葉抱九莖孰謂寸
艸之報不顯以榮公卿祝壽萱頌作陳思貽學士祝壽萱賦作夏
侯詞閭里祝壽萱錦箋剡紙爭淋漓堂哉皇哉用佐母對花酬觴

與含飴更有仙之人花前奏樂紛來時初爲冰絃彈出寡女絲恰
是當年孤鸞隻鶴吟淒其旋爲銀璫疊奏和以熙或似魯侯闕宮
頌或似南陔白華詩我聞之爲起敬廣爲壽萱簪酌酒祝花盛永
忘憂永養性

家文波姪齋中看牡丹同梁雲巖及霽巖姪二首

衝泥來到阿戎家特啓清樽捲碧紗風雨何須愁爛熳管絃差未
鬪豪華香迎書卷徐徐出酒醺賓衣故故斜自是花王宜擁護寶
幢朱旆列山茶

花後置山茶數盞益助其盤

郭外尋春幾處邀繁枝吾愛月弓橋雕欄巧借銀塘繞薛逕頻移
蠟炬燒五色文章看後輩一樽衰老對今宵

碑泉霽巖兩姪兄弟聯登一門鼎盛

思棣萼當年盛香桂園深聽玉簫

家賦注月弓橋香桂園皆棣洲伯祖別業伯文波所居

崇仁楊竹廬白粵東旋夏口迂道見訪長句紀別卽書其

桑梓鶯聲卷後

仙人樓月郎官酒二十餘年一回首大河南北隔音書聯轡尋芳
亦何有老居閭塾掩柴荆叩門刺啄芻尼鳴傳箋驚恍疑夢寐握
手歡笑追平生子從何處急飛至騎得仙羊執香穗相思命駕迂
道來末世焉能有氣誼羨子翩然一孤雀雲海江天任寥廓龍堂
皎室寶絡場靜坐焚香下深幕養性惟緇內景文活人且付刀圭
夢以此儔輩皆傾倒贈答詩篇重紵縞白雲山頂呼安期萬里蓬
瀛見了了削取珊瑚作釣竿掉頭卻走瀟湘道卽今道器溫且醇
襟懷瀟灑絕市塵黃芽玉液等閒事養拙何鄉有谷神岸花飛送
畱不住打帆遠指漢陽樹秋深重過煙波灣記取昔年離別處

翠屏洲歌送寄丹徒王柳邨

不知金焦東北固北蟠鯨宮跨鼇脊浮空一朶青蓮花穩占詩人

萬古宅王君種柳洲作邨天桃脩竹點綴紫海門日月出几上白

雲破碎琉璃痕石床茆屋平如掌香風偏長瑞田蒸開軒遙峯煙

嵐躍中插浩渺蓬萊根漁舟隔岸迷洞口愴怳恐是武陵源金陵

蔡子大詩友正衫先生東南豪傑羣招手石遠梅金手山梅抱孫侯相柳菴吳渡夫解補山諸子相

與鏗鎗發正聲直抉三唐精髓厚撈蝦餅蟹地一隅風雅誰知聚

淵藪况聞鮑妹材竝誇命妹碧雲女史有愛蘭英倚世銀毫緗帙輝朝霞吳中能

詩十女士高格欲鬪徐昭華敦盤獨奉愛蘭集封箋酬韻飛小槎

集中多閨秀詩文故及之此卷來時開函濕疑有秋潮破窗入三千里外與飛

揚文字精靈感呼吸京口對月只酣眠昔游鹵莽悔何及乙亥仲秋有京

山對月飲酒前後十首梁園司馬倦歸早二室三川同調少見茲急欲擊棹

尋可惜容顏已衰老如之每見長歎息高置巾箱作鴻寶昨宵夢

繞大江水青虬騎出滄溟襄何人指我翠屏洲戶列八公與九子

相迎似是蘆中仙，把酒論文各驚喜。覺來汗漫爲長歌，奇區久負
將若何。瀟湘十月飛鴻多，人生何必泛浣花溪。入朝川谷寄君詩，
句作神交亦足。

題朱礪東紅蘭受露圖

湘靈嶽帝不得慳，幽芳千里江迴環。自從包山詩客至，盡收竹柏
高齋間。近來愛寫紅蘭趣，冉冉菲菲含曉露。竇愛天傾赤玉漿，靈
通肺腑揮毫助。仰扇縱橫俯紙鋪，家家散滿零珊瑚。不知九畹叢
中色，紉佩瓊瑤似此無。研朱浣墨香欲滴，自捲巾箱自憐惜。昨宵
紅雨岸花飛，定有花神來送客。

丙辰除夕念兒世津鄂江途中

風水歸程滯倚門，望正頻兒曹能努力。老病久閒身，林炬騰光遠
燈花示喜新。延齡有佳酒，攜及介眉春。

題雲間瞿少白汀洲搦杜圖

雲英英兮湘流春露團兮被洲紛滋榮兮杜若超紅蘅兮白葍桂
楫兮蓀橈誰容與兮江之皋曰詞人兮三泖客緬脩能兮懷何極
蕙蕤兮華英芳菲兮其予迎雖邇迴兮奚辭契幽思兮深情蓉裳
兮蕙帶古翠溼兮叢藹望芝旗兮悅來風翻飈兮倏而逝沿流采
兮忘歸煙水空濛兮覺鷺飛纒吾珮兮繫吾衣抱貞誠兮彼美知
聞歌聲兮別浦對淪漪兮無語吾將貽兮遠者聊作圖兮延佇

書吳椽郎沅州忠烈祠詩後

愁霖天掃開晨曦吳君來示神絃辭翠蕤雲旛出恍惚使我遙拜
沅州祠滑臺偉人唐義士行間如見真鬚眉袖揮金椎紫電掣鬼
雄擁戟隨登陴峒酋膽喪鳥獸散此豈不賴神扶持英魂毅魄在
天下如水行地無已時願聞上帝特褒異賜以祝融朱鳥旗

見南嶽志

巖疆保障赫異代已足快洗睢陽悲昔隨南八好男兒賀蘭筵上
雙指割三十二人殉城下碧血四湧奔虎豹嗟哉青史一脫略真
名本貫參差疑君能好古爲考訂兼獲衡陽題壁詩補之郡乘得
確據濡以大筆何淋漓前年溪蠻肆煽亂沅城咫尺無敢窺得非
威靈坐叱咤金戈鐵馬時驅馳方今秦蜀尙蟻聚願神慷慨提陰
師佐我

天子盡芟夷報功崇德無窮期

和朱礪東見寄詩元韻

湖山堂中風雅豪病起灑墨臨蘭皋聞之腰腳頓躍起晴莎獨踏
城西郊岸花詩社久寂寞吾邑前輩有岸花詩社在城東齋名松竹新誅茹喜來
奇士促膝坐不用折柬招邀勞謂黃心庵清言那能及世事正聲直欲
追離騷蒼茫意氣候膠漆飲啖不記何佳肴寄我長句劇騰擲震

澤飛湧湘江濤凍雲連街不敢墮翩然一鶴冲長霄更聞歲寒有
良會紙窗待月紅梅插說詩說劍話奇重再來格調誰爭高君詩
有與
酣說詩如說劍
之句最奇嫻

愛蓮堂同人看牡丹限韻二首

卅年不記舊時妝新為看花上此堂清絕湖山逢上已窈深風雨
護濃香半堆繡被繁枝穩交倚雕闌浩態狂絲筆自慚才久老
君合詠紫霓裳

洛下尋花興久微繁英故里未全非仍將老眼過紅紫莫向春風
驗瘦肥綠酒縱橫交豔墨珠燈錯落簇深幃主人大有淋漓興細
雨催更未肯歸

采芝曲爲黃岱洲題

不必長鑿鉏何辜木斧斲蒼龍耕地餘委綬在雲壑解朝采白玉

肪暮采赤珊瑚傲彼長耳翁絳囊紫茸蒲二瓊枝騷人饒瑤艸仙

子拾欲駐慈親顏卽是天韭汁三游子在天涯每食思萱闈手塞

九光英用報三春暉四

解

礪東主人病起將歸太湖同人集一百四十四峯山房作

歌

靈威丈人招子將歸去祝融神君留子且小住壯哉一百四十四
峯之山房鈎錯地肺幅衡湘芙蓉合沓笠澤光東西煙靄遙相望
中有紫鸞元鶴交翱翔主人四壁羅古香書畫舫懸琴劍囊手提
風雅招儔輩共挾空翠爲徜徉忽如遇銀房玉柱之縹緲旋如見
珠宮絳闕之輝煌還乘霓車與風馬直看曉日騰扶桑瀆茶噴火
梅苞坼水仙欲出彈瑤瑟東風暄艸雪變碧歲華將晚晚可惜良
友欲別別不得驅山走海各作歌帶醉伸箋吐奇魄坐中城東一

老翁九萬餘里多遊蹤，太行王屋連少嵩。匡廬穴與羅浮通，明年不訪茅盈去，便觀瀑布芙蓉峯。黃鸝方圓見一舉，斤鷄蓬蒿何足數。夸娥移負或不能，芥子須彌納誰阻。人生山川朋友大，性情一室要令爭萬古。主人笑理遊子衣，老翁蠟屐遲春暉。三江浩淼花雨肥，看子東下帆如飛。

星沙僧廬喜晤吳子橡村將移幕衡州贈詩二章依韻奉

酬

雪洗南天郭氣清，僧廬茲遇快生平。已知接跡三湘路，休問抽帆幾日程。海霧塞塵曾入夢，澗蘭沅芷近多情。去歲由慈利幕移芷江詩人位置宜名嶽，况是波瀾獨老成。

萬里飛書每注存，聞風真令薄夫敦。文章海內誰生死，

劉牧君先生下世已

十餘年

今古樽前尚討論。道氣芝眉貧不減，材名蓮幕老彌尊。相望

便作雲龍逐鴻爪隨他一點痕

題礪東畫冊二首

飛泉無遠近流出白雲深
獨坐孤亭裏悠然太古心
芷蘭紛秀色松竹助清吟
卽此多幽趣高源不可尋

江山不厭遲秀色出清眺
百丈足壑緣曲折勢排冪
晴翠落氛氳天水互照耀
石伏波轉清巖懸樹彌峭
聞鐘知近寺拂花驚鳥噪
長帆波浪飛壯只寫大要
迂迴詩境濃靜者領其妙

朱三礪東自星沙賈傅祠移寓金陵別業寄詩一首卽步

元韻

詩人去住那論年知子歸心斲弛弦
數武名祠仍好伴別業與祠相去亦甚近

近一龕彌勒更相憐短帆獨轉青楓岸
舊社重辜紫菊筵來雁樓

頭還憶否尺書引領深江天時余將之臨陵書院

題周坦廬明府觀潮小照二首

當年望日祝融峯，此際觀潮近五葦。天擁金鼉浮島麗，城飛紫氣映霞濃。木華雄賦皆歸手，宗慤長風更盪胸。遙識淡煙疏柳外，令公仙舄步從容。

錢王強弩射鯨鼉，吳越長塘綫縷多。公享清游成勝跡，奮夫振卒唱新歌。圖收沙汭千雲錦，夢繞蓬萊一黛螺。我亦虎門看浴日，廿年回首興如何。

題朱礪東角里歸帆圖爲王小塵作

家賦注角音
疎作角非

人生快事還鄉去，千里輕帆飛不住。帶將七澤九江雲，直拂包山翠深處。推篷咫尺角里家，長松茂樹紛周遮。五年情恍入魂夢，一日踴躍開煙霞。湖天舳舻風收浪，漁唱皆觀聽黃梅。時雨秧針肥，山中雞犬羣相迎。丈人對客語方長，檢書前月離瀟湘。忽聞

柴門鳥雀噪平頭。奴子擎巾箱。膝前撫摩看顏色。快呼婦孺治樽觴。家庭行樂樂未央。圖中興采何飛揚。王郎畱滯歸未得。作圖別贈情何極。他時自作畫中人。寄聲先倩新歸客。

和翁覃溪學士兕觥歸趙歌應趙鞅軒邑侯索

賢侯示我兕觥圖。索和兕觥歸趙歌。此歌覃溪學使作。崇論雄辨奔江河。此觥君家之故物。滄桑浩劫曾經過。音韻竹垞老人句。徹銀鑿落金叵羅。黃陳選授未暇考。流傳但述張與何。後來藏弄顏氏宅。綈錦什襲理則那。耆庭先生思祖德。赤心求索雙鬢皤。誠通夢寐千里合。茫茫蠡澤踏蛟鼉。學使高義勤感致。珠還璧返非差訛。一觥之微重九鼎。日精星彩誰銷磨。當時僚友及師弟。展轉投贈聲相和。剖心碎骨寧離別。光芒大節同嵯峨。文羊一角色不漱。天以冰雪爲切磁。燈前手底忽躍出。真有神物潛攜呵。古來製器

子孫寶丁舉之爵嘉仲盃纖兒磨礪買胡搜雲煙過眼何其多景
山酒鑄私物耳安得餘瀝畱香螺豈如此觥遭逢異純臣碩彥爭
吟哦我誦銘詞每神往裏糧欲到虞山阿開緘杯捲珍口澤奉以
爲壽傾金波君家德業昌未艾范硯魏笏今同科教忠教孝請視
此更千百世長摩挲

穀雨前三日黃岱州招同人物我軒看牡丹分韻得高字
金庭別館淨蘭皋雁檳移厨未憚勞天半陰晴花氣候地聯吳楚
客雄豪當簷更飶叢香近飛盞何知酒價高卻爲牡丹頻出郭路
人傳說豔吾曹

小蟾窟歌

季脩內姪於書屋舊軒前種丹桂一樹小室規月爲門
對之中秋花甚濃郁余題其門曰小蟾窟因放筆作歌

升天梯不可越。貫月槎那得。猝撥開怪雨。與癡雲來坐。君家小蟾窟。羨君借玉斧。脩此團圓門。費君耕蒼龍種。此蚶膠根。珊瑚交枝。火齊簇。當中湧出琉璃盆。似聞姮娥倩桂父。搗玉杵漿。灌金瑤汁。爲君孕毓。芳子孫。蟹室深。畫屏曲。雕欄引往而復。瑤臺翠殿。何杳茫。獨占人間私豔福。左攜孺人右挈稚子。糝粟霏盃。出輪滴髓。軟玉油牋。鋪樂几角。詩鬪曲香。四起指磨明鏡。叱奔驀。風鵲露蛩。靜如洗我欲聞環珮聲。素鸞彩鳳空淒清。我欲聽紫雲迴霓裳。羽衣安在哉。酌君酒爲君歌。長願年年對此月。坐此窟。撫此柯。快哉尊前白髮起舞影婆娑。

謝季脩內姪惠鯛魚

北固樓前出網圓。鬱金香熟恰停船。自尋洛鯉伊魴去。辜負江鮮十二年。

中秋家園待月

待月遲愈好，秋圓恰在家。
杯盤安撲澁，兒女喜喧譁。
徙座催雲斂，微暝倚桂斜。
應憐三十載，長只照天涯。

題沈以耕乘槎圖

人生何者稱快意，筆墨空靈事遊戲。
誰歎作此乘槎圖，精神飛揚出天地。
飄然一朶青蓮花，重溟萬里浮無涯。
蒼龍頭角鯨鬚牙，太古錦繡苔髮髭。
逍遙容與一騷客，獨來獨往隨幽遐。
文禽翠鳥爲前導，九衢秀鬣生奇葩。
蓬萊仙人列如麻，挂星貫月交杈枒。
招邀酣嬉恣飲譙，鸞笙吹兮鼉鼓撾。
吸帝臺之漿餐，赤城之霞何必尋源思。
犯斗牛去支機，乞取天孫家。紛吾汗漫游，未已不繫之舟常自擬。
老見茲圖膽猶僣，龜縮腰束臂。胡爲乎狂言與子傾一石，疑聽天風海濤浩浩鳴虛壁。

己未除夕自遣示兒輩

詩篇不用補精神，羊脯分餐祀竈辰。世態醉揮天界潤，年光靜轉物華新。清貧甘守隨鷗嚇，魂夢長恬任犬狺。爲語兒曹須作達，更將忠信自持身。

放歌題朱礪東所藏鄭南溪做黃瘦瓢壽星圖

老人星

勸他本
作歡

汝一斗酒上帝命，汝高纏三辰主。天下壽考

川丙

丁見南方冠笏朝北斗，開元置壇嘉祐飲醜胡。不望東海別岫嶼，御風行拔雲走包山之陽角里村。有隱君子兮黃眉丹頰紺鬢而黑首，商皓爲朋鮑姑作偶。願汝大開黃潤以照之，使彼緣督經延德厚。含飴弄曾孫，提壺玩花柳。青簡笑擲張碩家，丹砂敬謝麻姑手。湖山詩客吾好友，今攜汝圖歸獻高堂。介親壽錦纈彩服幔流蘇，香熏百合拜子婦。楊梅盧橘堆玉盤，吹笙鏘管搖銀藕。吾將捲

步嶼山人詩集卷三
三萬頃煙波盡化洞庭春。使汝快吸長鯨口。是誰作汝圖。龔易子。
太怪醜。趙千里亦矯揉。欲知風神再出。崔道母。瓠子作前。南溪
生。做後歌以傳之。大醉陶園叟。

庚申八十初度書懷六首

穿衣喫飯總隨緣。不覺身登耄耋年。燈下觀書非澁眼。窗前對鏡
有華顏。祇妨硬餅牙難截。仍快柔豪手可旋。盛世長容蒲柳質。感
恩何以答。

皇天

六十年來海內名。老無尺牘報公卿。嫁衣繡綫貧猶壓。買賦黃金
計不贏。心血到今方自惜。頭顱如許欲誰爭。一經惟冀傳孫子。早
晚簪豪上。

帝京

半是豪夫半病夫，浮生吾自見真吾。
鏡當淬後光偏耀，劍出磨時氣更麤。
幾見經神爲引導，有時藥餌也持扶。
得勤勞作壽符，持扶戶樞流水前人語。乞

一行作吏墮塵緣，悞我窮經十八年。
永晝誰銷惟誦讀，枯心難竭尙鑽研。
收羅卷帙飄零後，補綴文章浩劫前。
歷盡含毫俯仰獨怡然，時輯三川考略憂患影泡都

故人憐我遠驅馳，勸返鄉閭作熟師。

謂畢秋帆妻杜香兩尙書後輩英賢成亦

易兒曹甘旨近尤宜，河山夢繞中甘里。
風雨神游漢闕碑，齊魏四

最憶洛都逢盛會，生徒花底鬪金卮。
洛下每逢覽按日諸生載酒賞花郊

寺數

娛觴軒接小書巢，高閣蟾窗紙字鈔。
娛觴軒小書巢開齋皆新葺兒女娛觴禽

亦樂會孫聯句韻頻敲，風和腰膝遲巡榭。
秋爽魚蝦滑入肴，暑得

岸花亭長未也沽山酒構行庖

題畫

百頃風漪樹列屏濕銀螺裏著茆亭瑤琴鼓罷雲飛盡正好高談
相鶴經

翠蓋紅衣一桁鮮夕陽小艇到朋箋人間何者清涼福此地思維
四十年

維陽舊豔名園記山水淨滋無此鄉今日江南想風景定知粉本
乞仇唐

湘潭劉烈女行

鯨鯢蟻山海倒翻斗門烽火交金門此邦紀綱久隳壞恬熙培克
牟利昏神人嗟怨大盜起宵旰之憂貽

至尊偉哉湘潭劉烈女厄丁慘變來羈旅蒿目空悲時事艱規言

不救人心苦
雷庭怒罵賊虎狼叢裏奮奇魄浩氣□□保冰
軀粉骨洞胸甯足惜長虹下掃罡風厲血爲臺灣汚天地崑岡玉
碎鳳皇啼淵泉珠泐蛟龍淚

王師奮怒下澎湖樓船萬隊海若趨元兇膽破思逃遁縛之不啻
羊與豬上公飛箋表貞魄

天子覽之三歎息

龍章褒美降無諸綽楔崇祠何赫絕豈惟崇祠峙海國湘日衡雲
皆壯色恨不生爲男子身蚤爲君王靖疆場

和靜山邑侯元唱時集鳳竹菴賞桂花兼柬同人二首

名花自黃嶽盤鬱作詞場仙吏一以至佛雲從此香心爲攀折惜
客任醉呼狂題罷琳宮壁天風下杳茫

尙憶維摩室天花作道場

寺中者宿字本章詩名吳越以苦
行修始古蹟泮木堂其手創也孤根

千劫外一夕百年香色界懸仙手吟哦媿老狂何時借灑掃石徑未微茫

季修內姪招飲

一首見前

風光吳越一生憐座有論文便躍然舊雨來兼新雨客仲春寒過早春天看揮白石淋漓曲心巷立和細聽玲瓏拉雜絃一日好緣莫辜負明朝又上淞江船余海棠詞

男姪

如泰

沃

豐

裕幹

光

校字

紫峴山人詩集卷二十六

湘潭張九鉞度西著

姪孫家祜重刊

歸湘集下

嘉慶辛酉至癸亥

恭題曾伯祖前明都督公遺照二首

比邱像

故國山河盡空餘血戰身
鐵衣拋涕淚緇服寄艱辛
寥落勤王事倉皇避地人

聖朝容散逸劫外有孤臣

投體甯枯寂完身任去來
仍然騰浩氣誰得狀靈臺
代以孤忠繫天教後緒開
百年思祖德慚乏闡揚才

舟行雨中望昭山

湧出綠雲鬢迷濛煙雨間
江聲千里合樹色兩洲環
曲岸遙相引丹梯未許攀
詩人今老去圖畫看荆關

秋日泝湘二首

行盡山水窟未知秋色妍今朝好晴霽恰上湘江船
倘悅記前境澄鮮開遠天漁歌起何處九曲落帆前

金碧作天水四維雲樹空山因平出黛浦以折柔風
鴉帶殘陽閃魚穿亂荇通歸時徐曳櫓取次看丹楓

思嶽

嶽翠壓帆重當年入粵行煙嵐常入夢雲水近多情
落落倦爲客悠悠慚競名將尋祝融頂採藥樂餘生

鑿石浦杜陵艸堂下作

深潭峭壁蕩浮塵嶽影環祠極有神萬古湖南畱客地
一宵江上繫舟人亂離恩惠平生少憂患文章歷劫新
自拜尸鄉遺墓後徘徊還向舊湘濱

先嚴湘楓十二竹枝詞有津口雲帆一曲蓋取少陵過津口詩雲帆楓樹林句也新安江子行九曾寫入冊余過此有感口占二絕

津口雲帆楓樹林老親寫作竹枝音漁歌可是舊時調唱入月明
湘水深

西吳游宦十經過江岸維舟夕照多五十餘年兒女夢教人無奈
白頭何

朱礪東招同人集湖山艸堂作祭詩會

戶迎黃燭易門丞竈列黃羊乞利市錢刀袞袞開不休誰向蕭閒
作詩會朱君風雅爲性情湖山吟社時招致生辰已過玉局仙公坡
生辰以黃心祭詩特倣長江尉無本膽大勇往能姦變雖得平澹
掩未歸不果未當時不遇大尹公窮死浮屠亦何悔應奉昌黎一瓣香歲終長

作先河祭胡爲敝帚亭以金豈其自嘲還自慰讀君一卷伏枕吟
鼓盪天機運浩氣詎須酒脯補勞神但紀歲華脩韻事獰颯撼微
地火溫樺燭搖窗蘭蕊綴老就大哉與餒飭口吸長川揮巨觥空
中招出瘦島來休飲寒泉共飽醉四座闕然拍手歌銅在紅梅驚
墜地

題朱礪東湖山艸堂圖六首

吳鄉與楚鄉隨地足徜徉近水宜添檻環山好築堂尊盃羅棊几
圖史壓繩床西閣東屯蹟何曾滯一方

騰空七二峯天水浸芙蓉夢繞三千里身居第幾重靈威聞舊貯
岫嶺問新逢誰識塵闈裏逍遙出異蹤

江富紅蘭水天開紫葯房幽人自風雨古意滿瀟湘星燦焦桐色

冰懸寶鐔裝合看朱叔子重繪讀書堂

朱朱叔子有詩
書堂在中峽

煙柳堤雙引春波每到門嶼通歇舫路月漲釣磯痕訪寺高緣磴
尋花曲繞邨與余聯襪處恁恍畫中論

結納平生事求羊徑屢開花香綠酒重帆小載詩來雨非隨時剪
霞綫任意裁巨須商蠟履同踏翠雲堆

零陵老太守筆意似倪迂竹樹空諸有煙雲澹欲無達人觀化境
靜者得清娛攜向包山展還思舊釣徒

君今年將歸太湖

題徐雲岑西樵圖

白雲瀾漫谷不封曉霜破碎青芙蓉是誰腰斧躡芒履懸崖一綫
緣龍窺包山林屋深迴互落葉荒谿鹿行路欲把琅玕伐作薪玉
柱銀房不知處乾枝朽節紛爬梳身穿猿鶴行紆徐斜陽荷擔長
歌返山翠盈頭香襲裾知君逸興爲孤往爛柯那作神仙想有時
直踏萬峯巔劃然長嘯湖天朗展看行卷識君顏掃苔坐石何蕭

閒呼僮莫雜松花爨恐有琴材寄此間

董恆崑觀察芝龕記題辭十首

三朝疆場壞何人黔蜀蠻司盡大狙不是秦家女豪傑誰知大義有君臣

手戮鯨鯢轉戰孤劬王萬里奮長戈可憐不上凌煙閣繪出金鏐繡鎧圖

天子題詩策戰勲錦衣親賜女將軍四川營裏宵風雨畫角金饒髣髴聞

單鞭怒奪父屍還黃虎奔逃血灑殷九品蓮花天證果又看奇媛出人間

夫櫓親扶海上歸麻衣如雪換戎衣人從斑竹巖前望猶見蟠空

鐵騎飛

康熙年開沈女帥以陰兵驛山賊見道州志

何須生恨不爲男
遁帥降藩見此慚
璧合珠聯一時事
香風九結石芝龕

滅賊誅姦志未償
銜哀飲恨事堪傷
何如直奮書生筆
斧鑕淋漓快劇場

錦車錦繖紀封崇
娘子軍曾立大功
可有銅琶和鐵笛
新詞撰合兩英雄

艸野偏多奮義聲
紅粧報國快捐生
衝戈亦有長沙女
可惜匆匆失姓名

余嘗擬撰雙虹碧傳奇中有長沙女子殺賊一齣記中先述及之

滋蘭堂上月流波
紅燭當筵簇綺羅
老去何哉雖散盡
重繙舊譜欲徵歌

甲戌會於外舅梁氏滋蘭堂觀演並記十二齣填金縷曲一闕紀事

題岸花送別圖送朱礪東歸太湖四首

吳客富性情
楚人重離別
何況垂老交
肝腸爲余熱
團筵樹移陰

譚藝燭見跋湖山風雅地偶隔卽饑渴黃君先他之謂黃子復理
歸樾靜思聚散緣悵悵不能說得非見始終天子以契濶休計合
并期但矢寸心結薄酒豈不歡馨此青絲擊天空積雨收湘春夜
流月各吟河梁篇坐待明晨發

濡滯豈無因踴躍今真歸極知望雪切計日拜親闈相與立渡頭
看子輕帆飛鶯聲柳濛濛江重桃花肥安穩圖畫行朝霞連夕霏
風日太湖美包山認崔巍香湖送到門稚子候釣磯鄙醜鞠脛進
兩行皆斑衣篋中出詩卷親顏爲之怡所交賢豪間仍是杜德機
寶身兼竇名已足報春暉笑彼塵中士但羨紫與緋

少陵過潭州曉吟岸花句邑人建孤亭詩社溯遙慕千年花仍飛
艸荒不知路送子合此間衡湘莽回互前後共傷神慷慨懷賈傅

予客星沙常
居賈傅祠

王君繪作圖中有文通賦一髮江南山渺渺接雲樹

歸展陶峴舟墨痕出縑素濃雨與澹煙是子銷魂處

我昔尋梅花五醉虎山酒琴臺望蒼茫笠澤湧臂肘青鞵誰提攜
故人散已久夢裏上吳船隨子香溪口子歸承歡暇皮陸多詩友
選勝相招邀茶竈猶在否銅坑瓊雪深鄧尉紅霞厚碧波似瀟湘
長堤卽煙柳東水西流魚尺素亦非偶風雨雞聲中爲我一回首

五言 朱礪東舟中戲作欸乃歌四章贈行

君欲行夷猶兮欸乃青楓渺渺猿愁兮欸乃齊使柳條綰君舟兮
欸乃肴載俎醕盈甌兮欸乃湘君鼓瑟妃作謳兮欸乃願君少畱
兮欸乃

君行不畱兮欸乃珂我大艫在中流兮欸乃鐵鹿轉帆齊努力兮
欸乃榜師伐鼓聲逢逢急兮欸乃望君不見使我心怒兮欸乃
紅蘭辭湘不語兮欸乃美人翩然舉而去兮欸乃菡蘅離杜惋相

顧兮欸乃吳山深深鬱嶮峨兮欸乃君來何時兮欸乃望君不見
吹參差兮欸乃夕陽冥冥誰立此涯兮欸乃
橫江風浪惡兮欸乃君無屏營兮欸乃明珠玉佩遺君兮欸乃繫
君之袂兮欸乃蛟龍捧船鶴高翔兮欸乃願君安穩涉此津兮欸
乃

題家橘洲十二兄遺照

兄昔丁酉秋艤舟滕王閣風雨似彭城握手快吟嘯杖履看往還
吳越翩一鶴行筇游什多江海入疏瀹從此雁行分南北天寥廓
兄舉七袞觴余時滯嵩洛欲附耆英詩難踐偕釣約傷哉歲敦牂
灑淚望東郭二惠慚競爽一个嗟又弱歸來池州荒無復快酬酢
門生歌虎邱一作藝苑存矩矱世多蜩螗鳴安不思韶濩小阮出
道容整裾拜恭恪竹韻與松濤蕭然別寄托逸情在雲霞雅量豈

邱壑如直彙殿班丹心傾葵藿如扈屋罕行雄賦追楊柞如草承
明廬風流咏紅藥如提文昌柄網羅罄珠珞如入政事堂長揖辭
蹇諤如揚繡服恩蜀道駐油幕儀度醴清華精神動鋒鏑又如益
州箋揮灑氣磅礴回憶香桂園兄弟別花朝奏笙簫綠酒映紅燈皓
月凝林薄集久傳連珠卷亦誦花萼只今牡丹開恁猶共酌膝
前侍立者人羨小坡若勗哉先型在梓材勤丹蘄廬陵家本圖鬚
眉尚如昨文章舊聲名光燄懸衡嶽

題爲飛魚躍圖

佛言生與滅莊言成與虧其趣太詼譎其語益支離動中活潑趣
獨許吾徒窺鳶魚本微物飛躍甯有期緬緼而化醇一氣聚散之
水流與花開空山皆化機塊然太虛冲隨處道在斯香温茶熟時
展帙心自怡

畢節婦張貞女詩

長沙廣文先生有佳兒神駒汗血精神奇芝英咀嚼瓊華噉胡天
忍挫折緋衣持版奪取之郎西大令女婉孌居深閨十三學織紉
十五能文詞清門締絲蘿納徵已有期一朝罹凶變呼搶面爲芻
蒿將從黃泉大事當屬誰未成爲婦闈迂議毅然矢志剛不移頰
鉛華拋文綦籠布鬢髮箭筈鯨湖浪號天橘洲黑雲垂鬢髮迎青
盧踉蹌赴素幃以頭觸棺血淋漓緇緇緇林駭歎爲涕洟登堂拜尊章
慷慨前致辭老人進餐請忽悲膝下兒去婦在斯大婦中婦班行
隨朝擎服脩暮盤匱作書寄地下妾今不死君維持妾有心君鑒
茲君有心妾代爲撫姪爲嗣禮則宜人云似君犀角姿案頭手澤
書匱勉事攻治篋中拋棄文心血炯炯猶昔時阿翁三楚大儒師
弟子經術皆田施趨庭再傳禮與詩折夔畫荻不待私君墓應長

丹桂枝吁嗟蒿簪與萑衣勁如松柏堅卷施餐茶茹藟誰則窺冰
寒月冷祇自知將入中壘傳將鐫梁武碑將繪禮宗圖天書赫施
懸其楯我今擬爲長短樂府韻音節磊落格不卑以闡風化重倫
彝那用一絃一淚緼之寡女絲

題俞青山勝攬圖

蔚藍天金碧水雲霏羅霞散綺愁絃彈出鏡空明九面蒲帆轉千
里吾家舊有湘楓圖先君青風滿湘相圖三十六幀展面瞬息江與湖飢軀一別
二十載河塵海霧胡爲乎歸來舊遊續不得思親空對案頭冊江
花江鳥笑於人又作獨浮山下客俞君來示湖山卷高館幽窗幾
回見江城渺渺樹濛濛曲澗逶迤點崇巘畫師不識識筆姿非學
戴文進卽是米元暉墨痕濃澹縱真趣恹恹煙雨交迷離卷首橫
書吾老友謂蓮心太守欲往從之隔九疑人生不作頑仙與癡佛有分

釣竿是何物。徒然束臂抱殘書。老學處禪。蟻與蝨對此。麻茶倦眼
開疑有志。和呼欲出短囊破笠。吾辦久青草扁舟。落吾手。約君湘
尾。溯湘頭負卻桃花荻。花有陶公池畔見。朱三謂朱為問攜琴偕
去否。

題朱礪東咏梅圖

澹日疎叢雪後看。香垂翠袖耐輕寒。空山詩境天教取。不凭高樓
白玉欄。

腸胃文章欲吐時。九英光裏態離披。梅花原不會寒儉。丹笠紅衫
欲讓誰。

輓楊湘巖司鐸

餓鷗風叫雲垂鬣。騎驢訪子銅街側。酒酣怒叱幽并兒。狂歌起舞
拓金戟。成均都講慚余老。楚軍得子翻旗旄。前後詞壇跋扈人。雄

篇揮灑羣鷺倒江湖旅食三十年壯志銷磨鬢皓然闔子黃金亦
散盡出都自抱寒青種用舍文章分虎鼠始終儔輩誰蛩駘材名
沈鬱更魁奇棹鞅儒林獨標舉瀟湘衡嶽多靈芬花枝覆座酒灑
巾有妻有妾皆能文清閨樂事誰不欣龍蛇之運丁何促鬼雨瀟
瀟打首藪弟子空聽曳杖悲孤兒相抱遺經哭黃山詩豪歌七歌
歌終四座偕滂沱謂黃心菴朱君厚賻兼哀誅笛聲慘裂秋江波謂朱
人間友誼死不磨摧才之天將奈何我亦無言淚盈把同是窮愁
著書者

題王小摩所畫千巖競秀長卷

王君畫法承家學近來能自出機軸素練三丈掃如空結構精嚴
魄力足羅浮玉笥地肺連武夷九曲深溯沿筍矸虛無黃河几
席往往聞流泉三壺白雲繞衣帶上有碧玉巢神仙青松紅栲不

知極一一飛接洪濛天初疑扶筇無路達漸見樓閣迤邐懸長虹
隱現羣峭外風帆沙鳥兼汀煙不知一室闕闕內何以身與靈氣
相周旋層巒向背黛深淺各不相似雄且妍生平壯遊幾萬里一
遇名山便栖止縋腰束臂四年餘杳然忽入丹青裏當時扁舟費
孤往今日展圖卽蕭爽香溫茶熟一追尋好乞蕭齋作供養

題李邑侯桐庵小照四首之一

游獵

風驟五花駒餓鷗矢叫呼連岡雲委積壓擔錦模糊作賦推雄手
安邊裕壯謨願驅貔虎隊掃賊耀天弧

吳水雲傲戴嵩出牧圖便面爲內姪梁季脩題

春江浩瀾煙濛濛芳莎兩岸連花叢柳條搓黃燕銜紅笛聲吹落
牛背風是誰作畫傲戴嵩牛蝶人豆巧且工神出筆外力筆中水

雲老友曾爲此飛入君之懷袖裏君今深山方讀禮大田力耕脩
禋祀賢哉對挽鹿車人衣仙女史仙乎偕隱牽犢子吾聞牧牛之理通
牧民擾牛不驚貴在馴伺其飢飽任陟降如養民力全耕耘古人
讀書思用世一官一邑籌民事甯戚牛經傳五穀濟民要術非輕
儲他年受牛求牧芻治民本此出牧圖毋徒日賦田家詩句同王

題朱礪東畫蘭

公孫大娘舞劍器巔旭得之爲艸畫朱君兼二妙寫作幽蘭圖縱
橫豈有形與模天工人巧各不居湘妃愁春隔煙水古雲含雨一
千里蛺蝶玉佩慵斜倚來降紙窗素瓷裏對之微笑忽通靈澹無
言說天純青心苞意萼謝俗墨九畹闢盡畦與町我欲置之九疑
之巔四千丈不可采兮但遙望

題朱礪東吳門送別圖六首

名士由來重別離，吳中風雅地尤宜。
斜陽紅樹人千里，染出濃情似此時。

曠得浮生一病身，舊游回首每傷神。
喜君幾葉輕帆卸，載滿雲山與故人。

岸花亭子艸留香，費我江頭四載望。
天爲湖山詩社續，又尋圖畫

到瀟湘。

礪東歸吳中同人各餞以詩王小摩作岸花送別圖

鄂城三叟劇流連。

謂蓮心雪碼二公

酒冷香銷十七年，卻借墨痕聯紙上。

濃如春雨澹如煙。

予詩附二公後蓮心寄語也

蔡子晴川灑淚分，相思夢入少祔雲。
無由報我三花寄，手捧瑤箋

一拜君。

蔡芷衫托礪東寄余詩札爲下拜

老矣豪情尙未除，大江浮棹問何如。

在羅中寄蔡芷衫詩有時憑浮大江棹一訪怡城山句憑

君寄訊神交者可有新詩慰索居

謂卷中袁簡齋方子和二公

題吳中袁節母竹栢樓居圖歌

竹栢之樓洵何許東望支硎岸粵空煙雨我聞袁家節母此樓居
足不下梯歲十五蘆簾繆幕深深垂孤雛在襁慈烏哺兒已成立
有室家慷慨從夫歸后土皋魚慘泣想音容欲借丹青將恨補詞
人女史萃爲圖調鉛殺粉皆淒楚朱君攜示城西齋

謂礪東

晨興洮

手標礪開湘江六月糝冰雪突兀疑築懷清臺不知此樓環溪面
嶂翠幾疊惟見虬拏鳳舞中有商飈撼撼從之來當年卷軸刀尺
與機杼白雲靜掃無纖埃瑤妃紅淚爲重染鼓瑟更奏離鸞哀我
未識袁君展圖感考思芳聲懿嫩播藝林珠玉堆仍錦文織旌盧
綽楔龍躩踞此樓亦與撐天地欲觀端州太守第三圖樓中訓課
子女趨別有栢香竹影交扶疏

同年香亭太守別圖西莊光祿題長短句樂府

題鳳竹菴遜如上人小照

鳳竹名蘭若詩僧接跡多

律雲尊宿詩名播吳越與先君唱酬最密上人亦能詩

園亭脫塵

濁山水得清和社已空匡嶽花仍長曼陀西歸愁隻屐遺範在山河

十年不出院跌坐一龕空法器金剛在脩爲面壁同傳衣畱勝地

暨春有宗風

謂心

試看真如現神傳阿堵中

送吳生半江之粵西學使幕三首

材華本自冠同儕聞見應須擲遠游秀石千盤騰地起靈渠兩綫界天流蠻花峒鳥隨時識邊冊夷情得暇收忠信憑教衝瘴癘遐荒努力飽糗羞

簪豪正喜倚騷壇况復憐才雅量寬

謂錢裴山先生

學士文章羅幕府考

功詩畫滿長安盈舟爭羨儲圖籍十步宜勤擷蕙蘭定有聚星酬

唱富饒箋分寄老翁看

小舟推挽任迂遲滌研蓬窗靜亦宜浦外天含金碧色嶽中秋豔
水雲姿搜尋駱越靈鼉鼓拂拭羅池荔子碑合與能詩湯從事謂南豐門人湯元珪同在幕中酒酣橫筆騁妍辭

酬吳稼邨之桂林過訪留別之作卽寄二首

春江巨漲拍天浮又挾琴書入桂州世局驟將身事變詞壇獨喜
姓名留舊游蠟屐資探溯賢主朋箋足唱酬謂李松垂老雖貧歸
亦得明年佇立望行舟君擬明年歸越迂道湘南賦別

記誦瑤音少室山天門每限不同攀誰知蹤跡三湘接恰直衰庸
萬里還行次應留詩帙訂病餘相驗鬢毛斑今宵轉憶初逢地雪
壓梅花大庾關

寄南豐門人湯元珪粵西學使幕

夷山夜雪深三尺痛飲狂歌大河白衝颯驟轉勞塵飛茫茫南北
無消息倦游我已還鄉閭子提秃管仍饑驅吳子嶺嶠匆匆返

喜開函見手書

吾邑與生牛江同客幕中

有材如子尙慙聊得無鬱鬱壘中居

思公聲望若鸞鳳中外士林盡謳誦

山如錢裴

玉尺量材使節墜八

桂堂開趨者眾吾曹幕府慎所投茲行足令文章重邊隅何地無

秀特翠羽丹砂當不得酬知敬慎事非輕賁以虛懷佐決擇研經

鍊史緒論多親炙休光况朝夕尋常矩矱何足論百萬層梯會當

躡海霧河冰卅載間亦知天遠合并難衰年心爲師生執倚杖還

將南斗看

送陳澤齋少尹解組歸里二首

家世文章錦繡輝一官小就念民依稻豐塲櫛奸無擾花滿庭堦
訟亦稀暇日常招傾蓋語此行眞著遂初衣蠟珠礲玉看盈膝雅

稱清風兩袖歸

桃花漲後片帆柔一路看山返秀州
鱗舍魚莊尋舊蹟幅巾藜杖
作閒游蘇洵坐尙千人仰荀令香知滿
邑留獨有鴨堂豪飲客碧
雲東望起離愁

題蕊仙姪孫家榜咏梅圖兼寄豫省示榘榘桐樾杖諸姪

孫時隨任靈寶

家榜更名家極復更名楨

老梅托根深嶺石交盤羣東風一以吹次第舒其葩南枝最繁盛
編鱗如吾家汝少能綴文謹愿余所嘉作爲咏梅圖胸懷靜無譁
忍凍坐溪山健步移杖屐啣彼紅羅亭豔歌四周遮士不耐歲寒
曷由發光華勿效桃李姿勿爲芙蓉蘂鐵石作心腸吐氣蒸雲霞
勗哉保其真燦爛先百花

題趙氏拓祠置祀田記後二首

文毅貽謀十葉存。擴田拓宇有賢孫。梓材自見勤丹蘄。葛藟甯徒
庇本根。囊粟屢分廉。吏俸桑盛長荷。

聖朝恩苦心。宛轉爲抒寫。孝弟之言藹且溫。

童童栢蓋特蟠祠。氣鬱湖山發彩奇。科第趙家遙競秀。

唐登科記趙不器十

代科第時號科第趙家義莊范氏近同規。敬宗收族精誠感。啓後承先志業
垂不比。客兒陳祖德。空勞排比逞浮詞。

客中夜雨懷洛中舊游

江聲拍岸走長灘。細雨橫風逼夜闌。老計因人猶鹵莽。病軀求息
卻高寒。歌傳猛虎懷誰滅。足疾又發栖穩鷺禽地亦難。夢裏不知何處
路。黃河少室浩漫漫。

題文槐邨試駿圖

珠柑寶鉸黃金羈。錦障泥覆稍髮垂。天開渥洼自入貢。霜蹄血汗

儲雄姿，奚奴牽出柳陰下。試之調習，何駟雅。注目長風，一瞥生黃
河。恆岌皆凌跨。君才似儻，好身手。伏擬在垆，顧影久報主。須當壯
盛年，呈材豈肯驚駘後。青鞋白袷，無纖塵圖中灑。灑出精神，灑
湘芷餐不得。天閑苜蓿香，鮮新長安大道如矢直。五城十樓杏花
赤，揚鞭一笑蹴紅塵。嘶過千人看顏色。

題黃岱洲岸花送別圖

岸花亭社已成塵，江路惟餘草色春。自作詩人離別地，吳中圖畫
一時新。

湘城巨漲繫矇矓，鬪酒挑燈黑雨中。不見高歌朱叔子，離心飛過
大江東。

答吳椽郵節署見懷之作卽步元韻三首

戎務湖湘重，飛騰幕府名。正勞箋奏日，還結友朋情。獄雨傳書滯

江風拂卷輕懸知停省鼓詩思有餘清

軍實仍蠶午深齋閉戶時

今歲講院當事復借辦軍需工匠蒸米數百人

那能揮盾檄空

自競錘錐

用潘崇和中山講學時語

展簡行吟久披衣病起遲故人疑欲到

花影月頻篩

老去聲華澹驚心是索居游蹤雖暫息豪氣未全除載酒無多路
論文若比閩卅年來往處春夢繞扶胥

朱礪東自包山以咏梅圖寄題

梅花開時故人隔花下停觴只相憶今晨忽接咏梅圖展函喜見
君顏色金釵蟬鬢事有無心葩意蕊生清娛笑他寒儉羅浮客翠
羽空啼落月孤澹中幻色多真賞霽雪春山神獨往原是天花不
染身聊成一室維摩想卽令角里千枝開定攜畫榼跌蒼苔陳元
西子圖多態乞伴山香句寄來

送朱礪東入都四首

重來知計別今日始遊行月過團圓澹

別以仲秋
鼓生魄日

江因氣詣清湖

山空有社蘭蕙不勝情此後思顏色寒雲隔鳳城

莫挽青絲絳相扶白玉羈遠遊貧更壯惜別老仍癡好結雲霞侶

兼收山水滋岸花圖尙在補作欲憑誰

鬱鬱年來事從茲氣奮揚見聞行笥富名姓布衣香簪履招三館

箋麻足數箱薦雄文似此蚤晚賦長楊

吳楚聯三友心期密歲寒

黃心翁王印傳
今皆在都門

天選神作合海內士爭

看把酒名花簇論文夜雪漫惟餘江上叟寂寞倚闌干

穆弋雲折枝紅梅歌

嶺頭紅梅何幻哉客齋滿壁俄飛來東風吹暖夷門道一夜千枝

萬枝開穆君畫梅有神助夢臥溪山深郁處醒來奮筆作折枝偃

強盤挈破繚素

七雲夢人引入紅梅林偃仰歌
嬾覺即能作折枝自號夢梅子

花光道人用絳熟

君能以骨不以肉雪窗驅墨霞烘天丹蚪疑出香泉浴倒垂矗立

無拘束意匠鑿空得機軸知子夙暑紅梅長爲借臺闢寫奇狀枚

枒地角吐璘編詘曲天梯橫蒼莽亂灑臙脂四座飛使我見之猶

恂悅眼前浩蕩江與湖胡爲趣促轅下駒勸君急脫貂襜褕相與

芒屨同踏姮娥障快哉手揮一幅傾一壺

武林穆弋雲爲紫峴師作折枝紅梅六幅師酬以長句囊在大

梁會見之後失其二幅師錄舊詩寄粵西幕命書以補之因識

其後南豐受業湯元珪謹跋

辛酉元旦口占

六十年來磊落身重逢辛酉換庚申固知否盡仍旋泰况是寒銷
早遇春老歲起居應自愛太平風物又更新迴思拔幟騷壇日正

有聲名動

紫宸

題戴□□懷仙樓圖白玉蟾賦沈繹堂宮詹書

懷仙之樓不可見空傳一賦白玉蟾紫清真人去千載書其賦者
沈宮詹誰歟摘取賦中意續以茲圖稱特麗丹霞百丈天冥冥玉
柱銀房插無地豈是鄂州之黃鶴仙之來兮雙赤腳踏空一朵青
蓮花飄衲洞庭吸寥廓又疑瓜州之大觀金焦縹緲浮三山雲濤
下瞰日車翻大舶長帆騰其間雲將若士成荒逸一念通靈卽瑤
島武夷洞裏蓬頭人揮作騷辭亦神妙宮詹書著康熙年朶殿倬
直草金箋人間瀛州卽此地流傳墨妙神翩翩讀賦玩書展縑素
爲君放筆作長句桃花萬點紅雨飛望入白雲最深處

題家雲池麻姑進酒圖爲其尊人介壽作

昔登麻姑壇下汲神功泉酒香一痕湧萬古碧桃花作丹霞鮮吾
宗今日來相訪手提介壽麻姑障誰爲作此南嶽生指頭灑墨神
蕭放黃雲承襪來何所不騎彩蝶馴慈虎斂卻衣裙五色華簪
練服爲賓主海鹽吳綸工長圖籃桃花葉金鷄鋤吳鈞煙有麻姑進酒圖未
若茲圖寫孝思佐觴洗盡丹青娛一酌雙鬢綠再酌晚顏紅纖纖
烏爪手捧出寶瓶下瀉天漿濃雲塘堂高靜不風碧梧翠竹交籠
葱神仙多憐貧士降丹砂狡獪原非工何須麟脯行廚熟溪蓴園
韭堆盤馥文章養潔重白華報得春暉卽眞福

寄題靈巖四姪游獵圖時任靈寶令

寒風獵獵生庭隅連岡彌望白草枯黃皮袴褶貂襜褕三花翦鬣
縱怒駒繡鞍金鐙彩模糊流星突駛鷗叫呼決雲飛掣騰韓盧壯
士奮勇纓曼胡銀鷹赤雉壓擔麓羨子豪氣雄萬夫願子英姿宏

遠謨手驅鐵騎張天弧，壩盡狐兔窟宅無。丹青再寫麒麟圖。

時靈寶賦

氣甚熾，歷培銀，虛繁賊。首張漢潮，屢爲所敗。

寄懷門人楊栢溪觀察六首時命世津作榆林之遊

朔方雄郡衛咸京

帝重嘉謨授節行，一紙飛傳雜鹿塞。雙旌透出鳳凰城，繡衣魚袋從容好。曲蓋驂駢指顧榮，共說蒼生前席問。

御屏香閣早書名

鳴沙浩浩接龍荒，行部弓刀列兩行。臂指三關連銷鑰，聲援四郡盡亭障。威儀自昔中臺貴，芻粟而今內地良。夾道邊氓齊忭舞，天邊星署下仙郎。

雲開河套碧連天，不記前朝戰鬪年。自守封圻安部落，豈煩羽檄達甘泉。黑山夜獵三更火，牙帳晨炊萬竈煙。誰識絲毫西省客，篋

中滿貯嚇蠻箋

受降城上捲龍旗
硯匣琴牀暇每隨
乳酪峒茶過馬客
畱犁燒酒進蕃兒
自成青澗招徠策
不唱黃河遠上辭
控禦老成惟靜謐
關門笳吹樂清時

關西家學聚生徒
邊冊新煩漢殿儒
訓練自須開武庫
救甯終賴盛文謨
治游麗籍園何處
經術劉殷士有無
金粟馬羊謳誦徧
幽風好進勝州圖

章門談藝共深杯
別後音塵費湖洄
萬里心紫尤祿塞
一宵夢上赫連臺
河套即赫連勃物統萬城舊地
即赫連臺考前史應在榆林
佇看竹帛垂名日
早識文章濟世才
回樂峯頭尙相憶
高秋應有朔鴻來

秋日入懺心寺與蔡羽儀小話

秋光引我出郊來
小話書堂亦快哉
百代文章爭派別
十年懷抱

向誰開野田餘粟輸鴉啄遠道音書望雁催垂老喜尋花事約好
憑隣衲報紅梅

偕羽儀人廣福寺看未開紅梅沈壻德脩攜酒至

春信在南枝山深吐豔遲欲傳真賞意須趁未開時寂歷藏香足
空濛對酒宜花神知有約獻歲發華滋

題匯楚三姪柳陰課孫圖

教子一經今教孫用元遺山句幸成手澤帙猶存記從鄰嶽堂前過大

堂頽朗朗書聲秋樹根

薄宦歸來讀與耕任任鎮遠令數間老屋對湘城柳陰執卷荷衣立雜

鳳聲連老鳳清

七莊紅樹接青山課子相商數往還老去看圖真樂事依然家塾

翠雲閒先潭邨公有青山紅樹讀書堂長卷

題蔡士芬月夜看帆圖

包山居士瀟湘客子舍欲歸歸未得示余城上看帆圖箬帽樓鞍帶行色宣城太守空靈句天際歸舟出江樹詩人懷抱孝子心生面別開添畫趣衡山陣雲九面環飛蒲十幅轉其間丹楓紅蓼互相映可似煙嵐銷夏灣濛濛皓魄天如水飽風健鶻回沙鷺獨有思親不寐人佇立徘徊淚痕泚白雲之下吾親廬橋綠橙黃秋色殊循陔樂事縈魂夢五鼎三牲味不如誓將鞠脰捧觴去手膾雕盤玉色鱸請君破浪長江下歸寫收帆笠澤圖

廣西錢裴山學使任滿北上過昭潭訪予陶園將以詩酬之五更已揚帆直下矣倩吳生半江爲予寄京師呈之龍函彩繽紛繡轡搖瓏璵玉婁仙人歸朝去士林爭望錢思公靈渠雪後瀉碧鏡暖壁猶有未凋楓文星南斗耀千里天開岫嶼蟠

晴空數峯青處帆直下，湘靈鼓瑟迎考功。詩情畫趣滿緇紙，定有
光燄騰星虹。湘濱一老久放廢，遺編抱誦首飛蓬。荷公鞭鸞管鳳
手，翻憐寒鳥與候蟲。瓊瑤疊寄懸座右，使我矯首瞻秋鴻。江干今
欲挽蓬萊，辦香手奉會南豐。豈知王程不遑息，一夜飛過昭潭東。
吳生曉來將寄什，望之不見心慙慙。公今謁

帝明光宮，前席首問蒼生同。文翁教化由禮樂，余公邊冊籌始終。
遐方自有救甯法，一一奏對洽。

宸衷何以澄清飭，簠簋何以綏郵安。耕耨治民課士本，一轍謨猷
早裕馳驅中。山簷水帶地咫尺，何況譽望三年隆。會須湖湘作霖
雨，郊迎扶杖隨兒童。

題蔣宜軒嶺上望雲圖

昔登天井關，狄公橫望隘。三千里外指親廬，丙舍松楸淚遙灑。今

朝見子望雲圖浦煙巖黛紛縈紆飛鴻渺渺天盡處恍是金庭俯
笠湖牽車服賈良有以負米焉能限百里三湘七澤稻梁深返哺
慈烏鳴亦喜結交當在賢豪間選勝宜居山水環茝蘭滿載珠滿
篋娛親已勝嬉斑斕誰爲長卷吾老友摩也先生雲夢瀟湘歸鉅手鄉
心孝思寫淋漓沙鳥風帆入清眇自爲怡悅誰持贈忤惻性情聊
託興順親信友在茲圖載展春暉更遙訊

蔡羽儀同看廣福寺紅梅飯我懺心寺書館適蔡紫溪吳
半江至用羽儀元韻二首

秋去看花莫悵空寒香尙在寂寥中共言異種超凡卉獨占荒山
壓佛宮幾隊游蜂爭趁日一林翠羽不驚風遲來已分南枝少乞
得胭脂映頰紅

浮光山色寺相連路轉尙書舊閣前佛蓮豈能容墮劫吾曹聊使

藉榻禪盤添嶽蔬，知新味。窗滿書聲似昔年，薄醉任隨斜照散。郭門回首晚霞妍。

再飯懺心寺步蔡羽儀見贈元韻

壬戌暮春

春光濃處認行窩，御史湖頭喜再過。花落寺門增隱秀，疇平溪路未陂陀。老空世事非關酒，幻謝禪機豈鍊魔。大義微言爭絕續，斜陽執手話林阿。

李放林在座時放林撰四書講義附成

八月初度口占

八十二翁何所求，袈衣大袖作優游。筆凋墨碎狂仍寫，飯軟茶香飽卽休。不合時宜酬應厭，頻遭憂戚泰和留。且憑兒女乘觴下，醉摘金英插滿頭。

廣福寺紅梅盛開同蔡羽儀往觀喜沈生德脩載酒飲花

下

山郊路轉石橋斜，入寺來看第一花。獨挺丹心撐浩劫，

花早不俱紅

分古豔到鄰家。

有以小缶移芳枝去者縱沾花亦變色

盤拏紅雪偏蒸日，絢爛青天

欲化霞，正似二仙壇上望花泉。流出盡珠砂，

庚嶺紅梅二仙壇最盛余官其地數往遊

焉因自署紅梅花長

老樹瓊葩與未慵，隔城家具喜移從。作亭思做紅羅覆，

擬約同人驟金橋茅

亭爲燕賓所

映酒先浮虎魄濃。地僻人疑聽翠羽，霜清天爲斂游蜂。山

靈若肯相招，致明歲還期共策筇。

歸途輿中口占

去歲觀梅頻有約，

王勿齋印潭兄弟會讀書寺中約遊不果忽愁風烈冰堅深

樽往觀次日

正當暄冬花爛漫，未卜明天晴陰枝高邈許折簪。

鬢香厚何妨攜滿襟，衰顏紅潤晚歸去。博得兒孫喜不禁。

癸亥元旦口占

太平又見履端辰，爆竹聲喧徹四隣。
野寺梅花應吐豔，園林鳥語似迎春。
傲裘且喜嚴寒減，禿管知裁舊帙新。
八十三翁祝，登車倚閭還望早歸人。

接蜨園世講來書兼荷餽壽之錫小詩奉酬並慰近况
久被雲山隔，令儀書來感激慰憂思。
世無直道多紛勁，天鍊英雄在警危。
自有長衢舒驥足，豈令眾女妬蛾眉。
美人金錯煩相寄，慚乏瓊瑤一報之。

鳳竹庵桂花盛開同人讌集首唱二律

浮木堂前老桂叢，卅年不見欲挈空。
團圞覆地不知日，錯落綴雲偏愛風。
天宇托根畱淨白，薌林孤隱剩衰紅。
生來迦葉微塵裏，滿酌龍涎入酒中。

湖山吟社經年散，蔡子飄零朱子歸。
大地秋光知各領，祇園花事

未全非欲裁篇什豪情減忽對天香逸興飛好待軒亭重葺日如來金粟共皈依

病中口號

粵東養病絕句二首之一

擔柴運米百無能自讀楞嚴自翦燈夜半萬緣鐘打盡前身南嶽一枯僧

男

聲

如泰

裕幹

普孫啓

沃

光

校字

從祖度西先生以詩名海內生平所作多散佚嘗客西泠攜稿若干卷爲人竄取去晚歸主講昭潭始手自編葺所存僅十之二三其自湘之榔曰二嶺集自都返湘曰江帆集官教習曰都講集始遊江西曰豫章初集遊雲南曰滇遊集遊江浙曰吳越一集入都謁選曰再蠶集官峽江曰豫章二集官南昌曰豫章三集由江西之浙江曰吳越二集官海陽曰如粵集粵遊集將之福建未果往復由浙返江西曰萍舫集遊河南修鞏洛志曰遊梁集太行集嵩遊草洛中集志餘吟歸湘曰倦遊集各若干卷藏於家歿後十年兄家榘宰鍾祥取行篋中所抄副本自二嶺至倦遊等集十八卷刻於署總曰陶園詩集陶園者在湘潭熙春門西舊名桃園先生晚營菟裘其間易桃曰陶取以署其全集也

家牀

既爲先生刊陶園文集八卷詩餘二卷成乃取鍾

祥本重校刊之益以海南歸湘等集四卷計詩千九百餘首卷
二十有二刊將畢適先生孫從兄家樞以蔡苙衫姜杜薌兩先
生閱本至評隲簡當深得先生用心爲附入未竟刊之江帆都
講以下八卷其已刊而不能附入者錄存以俟續補因敬志其
校刊顛末於後嘉慶戊寅仲夏從孫家棧謹跋當時重刊似覺

矣乃重爲釐訂謹片共
敬末於卷首茲不贅

謹跋

當時重刊似覺
蓋善今三十年